

Në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 të Ligjit për Shërbime Mediatike Audio dhe Audiovizuale ("Gazeta Zyrtare e Republikës së Maqedonisë" nr.184/13, 13/14, 44/14, 101/14, 132/14, 142/16, 132/17, 168/18, 248/18 dhe 27/19 dhe "Gazeta Zyrtare e Republikës së Maqedonisë së Veriut" nr.42/20, 77/21, 154/23, 55/24 dhe 193/24), dhe në lidhje me nenin 14 dhe nenin 29 paragrafi (2) të Ligjit për Media ("Gazeta Zyrtare e Republikës së Maqedonisë" nr.184/13, 13/14, 63/24, 74/24 dhe 218/24), Udhëzimi për përmbushjen e detyrimeve për impresium dhe informacion në dispozicion të përdoruesve, ark.nr.01-4443/1 datë 09.10.2018, pikat 7 dhe 14 të Udhëzimit për përcaktimin e afatit për veprim sipas aktvendimeve të Agjencisë për ndërmarrjen e masave (Tekst i pastruar) ark.nr. 01-4139/1, datë 07.11.2022, Raporti me shkrim për mbikëqyrje të kryer administrative ark.nr.10-1351/1 datë 27.03.2025 dhe Konkluzionin nr.02-1670/6 datë 10.04.2025, Këshilli i Agjencisë për Shërbime Mediatike Audio dhe Audiovizuale, në seancën e 16-të mbajtur më 10.04.2025, miratoi sa vijon:

Aktvendim për ndërmarrjen e masës – paralajmërim publik

1. PUBLIKISHT PARALAJMËROHET Shoqëria Tregtare Radiodifuzive (SHTR) KOMPANI 21-M SHPKNJP Shkup, për shkak të shkeljes së nenit 14 të Ligjit për Media (LM), të mënyrës që transmetuesi në kuadër të shërbimit programor televiziv të transmetuar më 4 mars 2025, nuk i publikoi të dhënat për impresium në emisionet "#21 Reportazhe" dhe "Për ditë të mbarë".

Shkelja nga paragrafi (1) i kësaj pike është specifikuar në Raportin me shkrim për mbikëqyrje të kryer administrative, ark.nr.10-1351/1 datë 27.03.2025, që është pjesë përbërëse e këtij aktvendimi si Shtojcë nr.1.

2. URDHËROHET që SHTR КОМПАНИ 21-М СХПКНЈП Схкyn, në afat prej 20 (njëzet) ditësh nga dita e pranimi të këtij Aktvendimi, të harmonizon punën e tij me dispozitat e LM.

3. Pas skadimit të afatit përcaktuar në pikën 2 të këtij aktvendimi, të kryhet mbikëqyrje kontrolli për të përcaktuar nëse subjekti i mbikëqyrjes, i cekur në pikën 1 të këtij aktvendimi, ka vepruar sipas aktvendimit.

4. Ky Aktvendim është përfundimtar dhe dita e miratimit të tij llogaritet dita e çertifikimit në Arkivin e Agjencisë për Shërbime Mediatike Audio dhe Audiovizuale (Agjencia).

A r s y e t i m

Agjencia, në bazë të nenit 29 të Ligjit për Shërbime Mediatike Audio dhe Audiovizuale (LSHMAAV) dhe neni 29 të Ligjit për Media (LM), është kompetente për të kryer mbikëqyrje administrative të veprimtarisë së botuesve të mediave nga aspekti i pajtueshmërisë së veprimtarisë së tyre me detyrimet e përcaktuara në nenet 6, 8, 14 dhe 15 të LM.

Në përputhje me nenin 23, paragrafi (1), nënparagrafi 1 të LSHMAAV, Këshilli i Agjencisë kundër botuesit të medias (transmetuesit) ndërmerr masë - paralajmërim publik në rastet kur është kryer shkelje ose shkelje e dispozitave të LSHMAAV dhe akteve nënligjore të miratuara në bazë të Ligjit të njëjtë, si dhe kushteve dhe detyrimeve të përcaktuara në leje dhe akte tjetra të Agjencisë.

Në përputhje me nenin 29 paragrafi (2) të LM, masat që Agjencia, si organ rregullator kompetent mund t'i ndërmarrë dhe të cilat janë të përcaktuara në LSHMAAV, përkatësisht zbatohen edhe në rast të shkeljes së dispozitave të LM.

Sipas nenit 14 të LM, botuesi i medias është i detyruar të vend të dukshëm për çdo bartës individual të përmbajtjes 9për shembull, kopje të medias së shtypur dhe emisioni televiziv) të sigurojë publikimin e të dhënave në vijim: emrin dhe adresën e selisë dhe redaksinë e botuesit të medias, emrin e personit përgjegjës të botuesit të medias, emrin dhe mbiemrin e redaktorit përgjegjës, përkatësisht redaktorëve në përputhje me organizimin e brendshëm të redaksisë, emrin dhe adresën e shtypshkronjës dhe datën e shtypjes ose ribotimit, si dhe numrin e kopjeve të shtypura,

kur bëhet fjalë për medium të shtypur. Për transmetuesit, detyrimi i mësipërm zbatohet në atë mënyrë që të dhënat të publikohen në fillim ose në fund të programeve audio/udiovizive. Botuesi i medias është i detyruar në vend të përshtatshëm për çdo përmbajtje të publikon të dhënat në vijim: emrin dhe mbiemrin e autorit të fragmentit të publikuar, emrin dhe mbiemrin e personit, gjegjësisht të shoqërisë që ka të drejtën e autorit për përmbajtjet e publikuara, përveç në mediat e shkruara dhe programeve në radio, datën e produksionit (muajin dhe vitin) kur bëhet fjalë për vepra audio/udiovizuale, dhe nëse vepra është krijuar nga produksion i pavarur dhe informacion për të njëjtin, emrin për personit juridik, përkatësisht emri dhe mbiemri i personit që ruan pasurinë kulturore ose veprën arkivore të përdorur, përkatësisht reproduksionin përkatës dhe emrin e botuesit të medias nga ku është marrë inserti programor ose fragmenti nga inserti programor, përveç nëse me marrëveshje të përbashkët nuk është parashikuar ndryshe.

Në përputhje me pikën 6 të Udhëzimit për përmbushjen e detyrimeve për impresium dhe informacionin në dispozicion të përdoruesve, ark.nr.01-4443/1 datë 09.10.2018, për programet e tjera të prodhimit vendor, impresium publikohet në atë mënyrë që: në shpikën e hapjes ose mbylljes të publikohen të dhënat e mëposhtme: emri dhe mbiemri i redaktorit përgjegjës të shërbimit programor; emri dhe mbiemri i redaktorit përgjegjës nga ku buron programi (nëse ka); emri dhe mbiemri i redaktorit/autorit/ drejtuesit të emisionit; emrin dhe mbiemrin e bashkautorëve, pra të gjithë ekipit televiziv me pjesëmarrje në tërësinë e veprës audiovizuale; emrin e subjektit që ka prodhuar programin (vetë transmetuesi, bashkëproducentët, producenti i pavarur të cilit i është porositur programi) dhe data e produksionit (muajin dhe vitin). Nëse është e mundur, duhet të publikohen dhe të dhënat për: emrin e personit juridik, përkatësisht emrin dhe mbiemrin e personit që ruan pasurinë kulturore të përdorur ose veprën arkivore, pra reproduksionin e veprës, dhe emrin e një subjekti tjetër nga ku është marrë insert i caktuar ose një pjesë e insertit, përveç nëse me marrëveshje të përbashkët nuk parashihet ndryshe..

Në pikën 10 të Udhëzimit në fjalë, kur transmetohen programe nga prodhues të huaj, televizioni duhet të transmetojë shpikën origjinale.

Në kuadër të kompetencave ligjore, Agjencia përmes Sektorit për çështje programore, më 27 mars 2025, ka kryer mbikëqyrje të rregullt administrative (monitorim) të shërbimit programor televiziv të SHTR KOMPANI 21-M SHPKNJP Shkup, transmetuar më 4 mars 2025, ku është konstatuar shkelje të nenit 14 të LM. Nga mbikëqyrja është konstatuar se në kundërshtim me LM pa impresium janë transmetuar emisionet: "#21 Reportazhe" (në kundërshtim me pikën 6 të Udhëzimit) dhe "Për ditë të mbarë" (në kundërshtim me pikën 10 të Udhëzimit).Përkatësisht, në vend të përshtatshëm, për çdo përmbajtje të shërbimit programor, transmetuesi është i detyruar të transmetojë të dhënat që identifikojnë autorët që kanë marrë pjesë në përgatitjen e përmbajtjes: *emrin dhe mbiemrin e kryeredaktorit të shërbimit programor; emrin dhe mbiemrin e kryeredaktorit të redaksisë nga e ka origjinën programi; emri dhe mbiemri i redaktorit/autorit/ drejtuesit të emisionit; emri dhe mbiemri i bashkautorëve, pra i gjithë ekipit televiziv me pjesëmarrje në tërësinë e veprës audiovizuale; emri i subjektit që ka prodhuar programin; data e produksionit.*

Shkelja nga pika 1 e këtij aktvendimi, është specifikuar sipas datës, titullit të emisionit, periudhës së transmetimit (fillimit dhe përfundimit) dhe përshkrimit në Raportin me shkrim për mbikëqyrje të kryer administrative, ark.nr.10-1351/1, datë 27.03.2025, që është pjesë përbërëse e këtij aktvendimi si Shtojcë nr.1.

Në pajtim me nenin 23 paragrafi (3) të LSHMAAV, Këshilli i Agjencisë drejtuar SHTR KOMPANI 21-M SHPKNJP Shkup, më 28.03.2025, dërgoi shkresë nr ynë.ark.10-1351/2 datë 28.03.2025. me të cilin ka dorëzuar Raportin me shkrim për mbikëqyrje të kryer administrative, ark. nr.10-1351/1 datë 27.03.2025, që në afat prej 7 (shtatë) ditësh nga dita e pranimit të shkresës, drejtuar Këshillit të Agjencisë të dorëzon deklaratë me shkrim për skeljen e kryer të dispozitave të LM. Shkresa është pranuar në rregull nga transmetuesi më 28.03.2025. Këshilli i Agjencisë në seancën e 16-të mbajtur më 10.04. 2025 , ka shqyrtuar lëndën Raport me shkrim dhe ka konstatuar që SHTR KOMPANI 21-M SHPKNJP Shkup të shqiptohet masë – vërejtje publike .

Rrjedhimisht, në bazë të nenit 18 paragrafi (1) nënparagrafi 20 dhe nenin 23 paragrafi (1) nënparagrafi 1 të LSHMAAV, dhe në lidhje me nenin 14 dhe nenin 29 paragrafin (2) të LM, Udhëzimit për përmbushjen e detyrimeve për impresiu dhe informacionet e disponueshme për përdoruesit, pika 7 dhe 14 të udhëzimit për përcaktimin e afatit për veprim sipas aktvenimeve të Agjencisë për ndërmerrjen e masës (Tekst i pastrua), Raporti me shkrim për mbikëqyrje të kryer administrative ark.nr.10-1351/1 datë 27.03.2025 dhe Konkluzionin ark.nr.02-1670/6 datë 10.04. 2025, për konstatim të mos respektimit të dispozitave të LM, përcaktuara në pikën 1 të këtij aktvendimi, Këshilli

i Agjencisë në seancën e 16-të mbajtur më 10.04.2025, miratoi Aktvendim me të cilin publikisht paralajmëron SHTR KOMPANI 21-M SHPKNJP Shkup dhe urdhëron që në afat prej 20 (njëzet) ditësh nga dita e pranimi të këtij aktvendimi të harmonizon punën e saj me dispozitat e LM. Pas skadimit të afatit përcaktuar në pikën 2 të këtij aktvendimi, Agjencia të kryejë mbikëqyrje kontrolli për të përcaktuar nëse subjekti i mbikëqyrur, i cekur në pikën 1 të këtij aktvendimi, ka vepruar sipas aktvendimit.

Në përputhje me nenin 24 të LSHMAAV, ky Aktvendim është përfundimtar dhe kundër këtij aktvendimi transmetuesi ka të drejtë padie për ngritje të kontestit administrativ para gjykatës kompetente. Padia për ngritjen e kontestit administrativ paraqitet në afat prej 30 ditësh nga dita e pranimi të aktvendimit.

Bazuar nga sa më sipër u mor aktvendim si në dispozitiv.

Shtojcë (1):

1) Raport me shkrim për mbikëqyrje të kryer administrative, ark.nr.10-1351/1 datë 27.03.2025 .

**Agjencia për Shërbime Mediatike
Audio dhe Audiovizuale
Kryetari i Këshillit,
Lazo PETRUSHEVSKI, d.v.**

Këshillë juridike: Kundër këtij aktvendimi transmetuesi ka të drejtë padie për ngritje të kontestit administrativ para gjykatës kompetente. Padia për ngritjen e kontestit administariv paraqitet në afat prej 30 ditësh nga dita e pranimi të aktvendimit.